

Ақтау ЖББ мектебінің қамқоршылық кеңесінің 2022 жылына арналған жұмыс есебі

Тамыз айының аяғында Қазақстан Республикасы Білім және ғылым министрлігінің 2007 жылғы 22 қазандағы №501 бұйрығымен бекітілген «Қамқоршылық кеңес» қызметінің және оны сайлау тәртібінің үлгілік ережелерін басшылыққа алып және ақтау ауылы тұрғындарының 2021 жылғы 15 тамыздағы жалпы жиналысының шешімі негізінде қамқоршылық кеңес құрылды. Кеңес төрағасы А. Ынтықбаев сайланды. Ол- ата-ана, әрі «Рамазан» шаруа қожалығының төрағасы, мектеп демеушілерінің бірі.

2022 жылдың 30 наурызындағы отырыста кеңес төрағасы А. Ынтықбаев қамқоршылық кеңестің өткен жыл бойына атқарылған жұмыстарына тоқталып, мектептің материалдық- техникалық базасының нығаюына септігін тигізген ауыл азаматтары мен түлектерін жекелеп айтып, алғысын білдірді. қайырымдылық акция жүргізілуіне сай ауылдық округінің әкімі Ғ.Карибаевтың «Наурыз-2022» мерекесіне қатысып, ат салысқан оқушыларға өз қаражатынан 20 мың теңге және шаруа қожалықтарының төрағаларының әрқайсысы 5 мыңнан 50 мың теңге көлемінде ақшалай сыйлық үлестіргендігін ерекшелеп айтты. Мектептің 46-қарлығаштарының атынан мектеп ішіндегі шағын орталыққа мектеп бітірулеріне 10 жыл толуына орай 400 мың теңге шамасында тұратын әткеншекті сыйға тартқаны туралы айтты.

Маусым айының 3 жұлдызындағы кеңес отырысында «Оқуға құштар мектеп» жобасы бойынша демеуші болған Айтуған Ырысалдының «Кітап- асыл қазына» атты оқушылардың кітап оқуға құлшынысын арттыру мақсатында айлық ауқымында өткізілген шарада демеушімен бірге келген Аман ақсақалдың жары Ырысалды әжесі екеуі осы шараға қатысқан 36 оқушының кітапқа деген қызығушылықтарын арнайы атап өтіп, «шешен Аман» атындағы арнайы стипендиямен озып шыққан үш буын оқушылары: 1- сынып - Отан Ақерке, 6-сынып- Әнуар Әбдәрраззақ, 8- сынып Сиазбек Кәусарларды марапаттағанын, сонымен бірге стипендия-50 мың теңге ақшалай сыйлық, «Қасым» баспасынан шыққан сиясы кеппеген жаңа көркем әдеби кітаптарын сыйға тартқанын айтты. Оқушыларды ынталандыру мақсатында 1-сынып- Ерболат Айару, 3-сынып- Медет Аяжан, 4-сынып- Әбілқайыр Жұмағазыға 10 мың теңге ақшалай сыйлық тапсырғандығына тоқталды.

XIV қарлығаш түлегі Балмағанбетов Қанат сөзінде мектептің игі істеріне риза екендіктерін айтып, сабақ берген ұстаздарын еске алып, ескерткіш ретінде қабырға суретін сыйға тартқандығын ескертіп өтті. Келесі кезекте сөз алған XVIII қарлығаш түлектері құттықтау сөз айта отырып, мектеп мұражайына өз түлектерінің мектеп қабырғасындағы 10 жылдық кезеңдерінен, одан кейінгі 40 жылдық кезеңнен жинақталған альбом және спорт жабдықтарын сыйға тарқанын атап өтті.

28- қарлығаштар атынан мектептің материалдық базасын толықтыру мақсатында мектеп бітірулеріне 30 жыл толуына байланысты 30 түп қарағай егіп, мектеп ауласының көркеюіне зор үлес қосқанына ризашылығын білдірді.

Тамыз айының 29 жұлдызындағы отырыста «Мектепке жол» акциясы бойынша жеке кәсіпкерлер А.Арунова, Н.Ынтықбековтер 20 000, мектеп ұжымы жалпы 80 000 теңгедей көмек жасағаны туралы кеңес төрағасы А.Ынтықбаев тілге тиек ете отырып, осы қаржының көмек қажет ететін оқушыларға оқу құралы, киім-кешек жағынан қарайласу үшін жұмсалғандығын айтты. Кеңес құрамындағы хатшы ретінде жүрген А.Ахметованың мектеп директорының тәрбие ісі жөніндегі орынбасары болғандықтан орнына қазақ тілі мен әдебиеті мұғалімі әрі ата-ана Г.Алибекова тағайындалғанын, ал кеңес мүшелерінің құрамындағы А.Самаевтың мезгілсіз қайтыс болуына байланысты, орнына ата-ана Д.Асановтың енгізілгенін атап айтты.

Желтоқсан айының 29 жұлдызындағы отырыста мектеп директоры М. Аруновтың мәжіліс залының дыбыс шығару қондырғыларының істен шығуына байланысты құны – 55 000 теңге тұратын радио-микрофон әпергенін және оның компьютерге жалғанатын штекерге 7 000 теңге жұмсап, барлығы 67 000 теңге көлемінде өз қаражатымен көмек бергендігін айтты.

Әлеуметтік педагог Ә. Тусупбекова қайырымдылық акция жұмыстарының жүргізілуі туралы есеп бере отырып, көп балалы және толық емес аз қамтылған отбасы балаларының жаңа жылдық шыршаға толықтай қатысуы қамтамасыз етілгені туралы айта келіп, Білім басқармасы Қазақстан Республикасы Президентінің атынан ұйымдастырылған Ұлытау облыстық әкімшілік шыршасына қатысқан толық емес, аз қамтылған отбасыдан Асылбек Аяна 90 000 теңге тұратын планшет және тәттілер қоржынын сыйға алғанын, ал аудандық әкімшілік шыршасына қатысқан 4 оқушының 2 смартфон мен 2 смарт сағат сыйға алып, қосымша тәттілер қоржынын алғанын айтты.

Осылайша Ақтау жалпы білім беретін мектебінде қамқоршылық кеңес жұмысы өз мәнінде жүргізіліп жатыр.

Мектеп директоры:



М. Арунов.